

杵島郡

〔松浦系圖〕綱

久松浦源大夫判官
松浦祖始住肥前國下松浦郡遂爲氏

〔肥前風土記〕杵島郡

鄉肆所十三驛壹所

昔者纏向日代宮御宇天皇景巡幸之時御船泊此郡磐田杵之村于時從船狀歌之穴冷水自出云之船泊處自成一島天皇御覽詔群臣等曰此郡可謂狀歌島郡今謂杵島郡訛之也郡西有湯泉出之巖岸峻極人跡罕及也

〔日本書紀七景行〕十八年七月甲午到筑紫後國御木居於高田行宮時有僵樹長九百七十丈焉略中

爰天皇問之曰是何樹也有一老夫曰是樹者歷木也嘗未僵之先當朝日暉則隱杵島山當夕日暉覆阿蘇山也

〔萬葉集抄三〕肥前國風土記略中杵島郡縣南二里有一孤山從坤指艮三峯相連是名曰杵島坤者曰

比古神中者曰比賣神良者曰御子神一名軍神動鄉閭士女提酒抱琴每歲春秋携手登望樂飲歌舞曲盡而歸歌詞云阿羅禮符縷者資熊加多豐塢嗟峨紫彌苦區縫刀理我泥底伊母我堤塢刀縷是杵島曲

〔三代實錄十八清和〕貞觀十二年六月十三日甲午先是太宰府言肥前國杵島郡兵庫震動鼓鳴二聲決之者龜可警隣兵

〔公卿補任六條〕仁安二年

前太政大臣 從一位平清盛五月十七日上表辭太政大臣并兵仗中略
肥前國杵島郡中略等爲大功田傳子孫

藤津郡

〔肥前風土記〕藤津郡 鄉肆所九驛壹所烽壹所

昔者日本武尊巡幸之時到於此津日沒西山御船泊之明且遊覽繫船覽於大藤因曰藤津郡

〔三代實錄十三清和〕貞觀八年七月十五日丁巳太宰府馳驛奏言肥前國基肄郡人川邊豐稻告同郡擬大

領山春永語豐穗云與新羅人珍賓長共渡入新羅國敎造兵器器械之術還來將擊取對馬島藤津郡領葛津貞津略中 等是同謀者也仍副射手四十五人名簿進之